

BOSNA I HERCEGOVINA
FEDERACIJA BOSNE I HERCEGOVINE
V L A D A

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
В Л А Д А

BOSNIA AND HERZEGOVINA
FEDERATION OF BOSNIA AND HERZEGOVINA
G O V E R N M E N T

**Interresorna radna grupa Vlade Federacije Bosne i Hercegovine za izradu i provođenje
Akcionog plana za prevenciju i borbu protiv terorizma u Federaciji Bosne i
Hercegovine**

IZVJEŠTAJ O RADU

**Interresorne radne grupe Vlade Federacije Bosne i Hercegovine za izradu i
provođenje Akcionog plana za prevenciju i borbu protiv terorizma u Federaciji
Bosne i Hercegovine za 2021. godinu**

Sarajevo, mart/ožujak 2022. godine

UVOD

Vlada Federacije Bosne i Hercegovine na 210. sjednici, održanoj 20.02.2020. godine, donijela je Rješenje o imenovanju Interresorne radne grupe Vlade Federacije Bosne i Hercegovine za izradu i provođenje Akcionog plana za prevenciju i borbu protiv terorizma u Federaciji Bosne i Hercegovine, a u vezi sa implementacijom Strategije Bosne i Hercegovine za prevenciju i borbu protiv terorizma (V.broj:275/2020. od 20.02.2020. godine).

Za članove Interresorne radne grupe imenovani su:

- Sead Lisak, predsjednik, Ured premijera Federacije Bosne i Hercegovine;
- Goran Čerkez, član, Federalno ministarstvo zdravstva;
- Miroslav Jurešić, član, Federalno ministarstvo rada i socijalne politike;
- Mersiha Udovčić, član, Federalno ministarstvo pravde;
- Nadija Bandić, član, Federalno ministarstvo obrazovanja i nauke;
- Nermin Sijamhodžić, član, Federalna uprava policije;
- Fahrudin Solak, član, Federalna uprava civilne zaštite;
- prof.dr. Vlado Azinović, član, stručnjak iz oblasti;
- prof.dr. Elmedin Muratbegović, član, stručnjak iz oblasti;
- mr. sci. Elma Omersoftić, član, dipl. psiholog i psihoterapeut, stručnjak iz oblasti;

Stručne administrativno-tehničke poslove za potrebe Interresorne radne grupe obavlja Jasmin Bolić, sekretar Interresorne radne grupe, Federalno ministarstvo unutrašnjih poslova.

Zadatak Interresorne radne grupe je:

- izrada i provođenje Akcionog plana za prevenciju i borbu protiv terorizma u Federaciji Bosne i Hercegovine, a u vezi sa implementacijom Strategije Bosne i Hercegovine za prevenciju i borbu protiv terorizma;
- predlaganje i provođenje mjera iz Akcionog plana - koordinira i prati implementaciju programa prevencije ekstremnog nasilja;
- koordinira aktivnosti u vezi sa prihvatom povratnika sa stranih ratišta uz koordinaciju sa nižim nivoima vlasti te praćenje provođenja mjera psihološko-sociološke rehabilitacije i inkluzije;
- saradnja sa istim tijelima na nivou entiteta, Brčko distrikta Bosne i Hercegovine, kantona i lokalnih zajednica, saradnja sa Ministarstvom sigurnosti Bosne i Hercegovine, međunarodnim i drugim nadležnim institucijama;
- učešće u procesima donošenja strategije na državnom nivou koja se odnosi na prevenciju i borbu protiv terorizma.

Tačkom IV. Rješenja propisano je da Interresorna radna grupa podnosi izvještaje Vladi Federacije Bosne i Hercegovine.

AKTIVNOSTI INTERRESORNE RADNE GRUPE

Od donošenja Rješenja o imenovanju Interresorne radne grupe Vlade Federacije Bosne i Hercegovine za izradu i provođenje Akcionog plana za prevenciju i borbu protiv terorizma u Federaciji Bosne i Hercegovine, a u vezi sa implementacijom Strategije Bosne i Hercegovine za prevenciju i borbu protiv terorizma (u daljem tekstu Interresorna radna grupa), do 31.12.2021. godine, Interresorna radna grupa održala je 19 sjednica, od čega u izvještajnom periodu 12. Na 12 sjednica, koje su održane tokom 2021. godine, ukupno je razmatrano 68 tačaka dnevnog reda.

Prva konstituirajuća sjednica Interresorne radne grupe održana je 05.03.2020. godine u prostorijama Vlade Federacije Bosne i Hercegovine. Pored članova Interresorne radne grupe, kao posmatrači prisustvovali su predstavnici Ambasada SAD i Nizozemske.

Napominjemo da je jedna od obaveza izrada Akcionog plana, proistekla iz državne Strategije za prevenciju i borbu protiv terorizma 2015-2020., u kojoj je navedeno da će „Entitetske vlade uključujući i vlade kantona, te Vlada Brčko distrikta Bosne i Hercegovine donijeti vlastite akcione planove za provođenje Strategije koji su u skladu sa ciljevima i mjerama iz Strategije i za koje je zakonom utvrđena nadležnost entitetskih, kantonalnih i institucija Brčko distrikta Bosne i Hercegovine. Nositelji izrade ovih akcionih planova su ministarstva unutrašnjih poslova, te policija Brčko distrikta BiH“.

Do formiranja Interresorne radne grupe, Vlada Federacije BiH dobijala je stalne kritike kako nije poduzela ništa vezano za izradu Akcionog plana Vlade Federacije BiH za prevenciju i borbu protiv terorizma.

Tokom 2020. godine, Interresorna radna grupa intenzivno je radila na izradi Akcionog plana.

Na trećoj sjednici, održanoj 17.06.2020. godine, razmatran je i usaglašavan tekst nacrta Akcionog plana za prevenciju i borbu protiv terorizma u Federaciji Bosne i Hercegovine 2020-2025. godina.

Pored stalnih članova, sjednici su prisustvovali kao posmatrači predstavnici Ministarstva sigurnosti BiH, Misije OSCE-a u BiH i IOM BiH.

Na četvrtoj sjednici je usaglašen konačan tekst Akcionog plana za prevenciju i borbu protiv terorizma u Federaciji Bosne i Hercegovine 2020-2025. godina.

Pored ostalog, dogovoreno je da se uputi Vladi Federacije BiH prijedlog Rješenja o izmjenama rješenja o imenovanju IRRG, te da se umjesto predstavnika FUCZ, koji je suspendiran, predloži novi član u IRRG.

Nakon što su članovi Interresorne radne grupe usaglasili konačan tekst Akcionog plana, isti je dostavljen Vladi Federacije BiH na razmatranje i usvajanje.

Vlada Federacije BiH, na 233. sjednici održanoj 28.08.2020. godine, usvojila je Akcioni plan za prevenciju i borbu protiv terorizma u Federaciji Bosne i Hercegovine 2020-2025. godina.

Tokom izvještajnog perioda (2021. godina), Interresorna radna grupa nastavila je sa kontinuiranim izvršavanjem zadataka iz svoje nadležnosti u skladu sa obavezama proisteklim iz Rješenja o imenovanju Interresorne radne grupe.

AKTIVNOSTI INTERRESORNE RADNE GRUPE NA IMPLEMENTACIJI AKCIONOG PLANA ZA PREVENCIJU I BORBU PROTIV TERORIZMA U FEDERACIJI BOSNE I HERCEGOVINE 2020-2025.

U skladu sa zadacima iz Rješenja o formiranju Interresorne radne grupe tokom 2021. godine, Interresorna radna grupa radila je na realizaciji mjera i aktivnosti predviđenih u Akcionom planu.

Analizirane su obaveze po rokovima za realizaciju pojedinih aktivnosti.

S tim u vezi analizirana je realizacija podciljeva i aktivnosti PC1-A14 i PC4-A5 za koje je zaduženo Federalno ministarstvo rada i socijalne politike.

Realizirajući zaduženja iz PC1-A14 i PC4-A5 Akcionog plana za prevenciju i borbu protiv terorizma u Federaciji Bosne i Hercegovine 2020-2025. godina, **Federalno ministarstvo rada i socijalne politike** je donijelo Program specijalizirane edukacije profesionalaca u centrima za socijalni rad u Federaciji Bosne i Hercegovine za rad s djecom i porodicama povratnika sa stranih ratišta, (broj 05-31/9-2012/20 od 08.10.2020. godine).

U sklopu navedenog programa edukacije, provedene su osnovne i dodatne edukacije profesionalaca u centrima za socijalni rad, odnosno općinskim službama socijalne zaštite, nakon čega je Ministarstvo rada i socijalne politike, u saradnji sa Misijom OSCE-a u BiH, organiziralo dvodnevni intervizijski sastanak koji je održan 04. i 05. novembra 2021. godine u Sarajevu. Spomenutom intervizijskom sastanku prisustvovalo je 11 edukatora sa područja Federacije BiH koji su proveli dodatne specijalizirane edukacije na području svog kantona. Edukatori su međusobno i s predstavnikom Ministarstva razmijenili svoja iskustva i osvrnuli se na nekoliko ključnih mjera koje bi u narednom razdoblju trebalo realizirati kako bi se iznašlo najbolje sistemsko rješenje u postupanju prema predmetnoj kategoriji što bi, u određenoj mjeri, predstavljalo značajnu podršku i involviranim profesionalcima u razdoblju prihvata djece i porodica povratnika sa stranih ratišta. Još je jednom naglašena potreba čvršćeg međusobnog uvezivanja i usaglašenog djelovanja nadležnih institucija na lokalnom nivou iz različitih resora (socijalna i zdravstvena zaštita, obrazovanje i policija).

Nadalje, imajući u vidu sve izraženiju potrebu centara za socijalni rad za sistemskim uvođenjem supervizije, posebno u segmentu njihovog stručnog rada sa djecom i porodicama povratnika sa stranih ratišta, Ministarstvo rada i socijalne politike, u saradnji sa Savezom socijalnih radnika Federacije Bosne i Hercegovine, sačinilo je projekat pod nazivom „Supervizija profesionalaca uključenih u proces readmisije djece i porodica koje su boravile u zonama rizika“. Ocijenivši da navedeni projekat u